


Biblia alang sa Kabataan motanyag

Si Joshua ang Nagdumala



Gisulat ni: Edward Hughes

Gihulagway ni: Janie Forest
Alastair Paterson

Gipahaom ni: Ruth Klassen

Gihubad ni: Mel Lorell Abugho,
Cheryn Mabano Abugho

Gipagawas sa: Bible for Children
www.M1914.org

©2024 Bible for Children, Inc.

Pagtugot: Mahimo kang mokopya o mopatik niini
nga estorya, ayaw lang ibaligya.


1

Si Moises namatay. Nasayod si Josue nga gipili siya sa Dios nga mangulo sa mga Israelita. Sa wala pa naandam ni Josue ang iyang kasundalohan, kinahanglan niyang andamon usab ang iyang kaugalingon. Ang Dios misaad kang Josue ug kadaogan ug kauswagan sa Yutang Saad kon ang mga tawo kanunayang mosunod sa Pulong sa Diyos.



2

Ang mga Israelita misaad nga mosunod kang Josue ug kanunay na motuman sa Pulong sa Diyos.



Maalamon, ang bag-ong lider nagpadala ug espiya ngadto sa Canaan aron sa pagtuon sa mga depensa sa dakong siyudad sa Jerico. Ang unang gubat sa Israel mahitabo didto.


3



May usa ka tawo nga nagsulti sa Hari sa Jericho nga may dihang espiya sa lungsod. Iyang gipadala ang iyang mga sundalo sa pagpangita kanila. Ang pagpangita nagsugod sa balay ni Rahab, kun diin ang mga tawo nagpuyo. Gibunalan sa mga sundalo ang ilang pultahan. Dali-dali, gitagoan dayon ni Rahab ang mga lalaki ilalom sa lino.


4

Sa dihang mibiya na ang mga sundalo, si Rahab migamit ug eskarlata na pisi aron ipaubos ang mga lalaki na luwas na sa gawas sa paril sa siyudad. Ug nganong iyang gitabangan ang mga espiya? Kay tungod siya nahibalo nga ang Dios nag-uban kanila. Gusto niya nga luwason sa Diyos ang iyang kinabuhi. Ang mga espiya misaad nga luwason nila si Rahab ug ang iyang pamilya.




5

Sa dili pa makaabot sa Jerico, ang mga Israelita kinahanglang motabok sa Suba sa Jordan ngadto sa Canaan, ang Yutang Saad. Apan walay taytayan! Unsaon man pagtabok sa mga tawo?




6

Ang Diyos gisultihan si Josue nga ang mga pari kinahanglan manguna sa mga sundalo ug mga tawo, nga nagdala sa arka nga nagkupot sa Napulo ka mga Sugo. Sa dihang ang mga tiil sa mga pari midapat na sa daplin sa suba, ang Diyos naghimo ng milagro. Ang Dios naghimo ug uga nga dalan diha mismo sa tubig.



7

Ug human sa tanan ang tanang tawo mitabok na luwas, nagbutang silag dose ka dagkong bato diha sa salog sa suba ug laing dose ka bato sa daplin sa suba sa Canaan. Kini maoy mga pahinumdom sa pagtabang sa mga tawo sa pagtudlo sa ilang mga anak bahin sa dakong gahom ug gugma sa Diyos.




8



Ang Jerico adunay lig-on, ug baga nga mga paril. Samtang si Josue nagplano sa iyang pag-atake, gipadala sa Dios ang Kapitan sa Iyang kasundalohan gikan sa Langit aron sa pagpahinumdom sa bag-ong lider sa Israel nga ang Dios midaog sa mga gubat alang sa Iyang katawhan.


9





Gisultihan sa Dios si Josue kon unsaon pag-atake. Ug kini usa kaayo na talagsaon nga plano. Ang mga katawhan sa Diyos kinahanglang magmartsa libot sa siyudad kausa sa usa ka adlaw sulod sa unom ka adlaw, ug makapito sa ikapitong adlaw. Ug unya sila magpatingog ug mga trompeta ug mosinggit, ug ang mga paril sa siyudad malumpag!

10


Gibuhat ni Josue ug sa iyang kasundalohan ang gisugo sa Dios. Ug tingali gikataw-an sila sa mga tawo sa Jerico. Apan, human sa ikapitong martsa sa ikapitong adlaw ang pari mihuyop na sa budyong. Ug ingon sa gisaad sa Dios ...



ANG DAKONG MGA PADER SA JERICO MAHUGNO!




11



Ang balay lamang ni Rahab sa bungbong ang luwas. Iyang gibiyaan ang eskarlata nga pisi nga nagbitay sa bentana. Sa dali-dali, ang mga tawo ni Josue giluwat nila si Rahab ug ang iya pamilya. Unya ang Jerico gilaglag, ingon sa gisugo sa Dios.

12

Sa hilom, gipahinungod ni Josue ang bulawan, plata, ug mga bahandi



ngadto sa pag-alagad sa Diyos. Ug unya iyang gibutangan ug usa ka tunglo na si bisan kinsa nga motukod pag-usab sa dautan nga siyudad. Sa wala madugay ang tanan sa Canaan nakadungog kon sa unsang paagi gipildi ni Josue ang Jerico. Nasayod sila nga ang Diyos nag-uban sa Iyang katawhan.

13

Si Joshua ang Nagdumala

Estorya gikan sa Pulong sa Dios, ang Biblia,

makita sa

Josue 1-6

"Ang pag-abot sa Imong mga Pulong nagahatag og kahayag." Salmo 119:130

14

Ang Kataposan

13



60

15

Kini nga estorya gikan sa Biblia nagasulti kanato bahin sa kahibulongan nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag Niya kini nga sala. Kamatayon ang silot sa sala. Pero nahigugma pag-ayo ang Dios kanato. Iyang gipadala ang bugtong Niyang Anak nga si Jesus aron mamatay sa Krus ug silotan tungod sa imong mga sala. Unya nabanhaw si Jesus ug mibalik sa Langit! Kon motuo ka kang Jesus ug mohangyo nga pasayloon ka sa imong mga sala, himoon kana Niya! Moanha Siya ug mopuyo sulod kanimo karon, ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios:
Ginoong Jesus, ako nagatuo nga Ikaw Dios, ug nahimong tawo aron mamatay alang sa akong mga sala, ug karon Ikaw nabuhi pag-usab. Anhi sa akong kinabuhi ug pasayloa ang akong mga sala, aron mabag-o ang akong kinabuhi karon, ug unya makig-uban ako Kanimo hangtod sa kahangtoran. Tabangi ako nga motuman Kanimo ug magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16

16